

四庫全書

集部

欽定四庫全書

懷清堂集卷十四

吏部侍郎湯右曾撰

題薄勺庭所藏韓幹放馬圖

有鶴皆杜荀無牛不戴嵩
耽佳好古自一癖韓幹之馬
將毋同開元好畫手多貌青海
驄幹也天廐師真龍落
筆迴覺凡馬空今觀此三匹是
何骨相傑且雄平沙淺
草春丰茸晴天散牧雲錦叢
偶然俯仰各適性意態磊

落騰驤中奚奴碧色懸雙瞳狀猗服古寫更工何從得
此秘書省舊傳賜出明光宮年深隱現粉墨蹤絹古黯
黥烟塵蒙人間但見騷裒影腕底可有精靈通明牕展
玩朝日烘日眠驚此叱撥紅不須真贗苦分別一念欣
厭紛無窮錦囊玉軸縱裘重忽然散落隨天風此心已
在解脫海世上休論亡是公君家靜夜月貫虹几案尤
物光熊熊神駿恐是于闐本幹曹圃于闐
進黃馬一軸破裂絕勝龍
眠翁米南宮云李公麟家韉
馬破裂四足如立水中差排古迹得未逢不嘶不

秣搖三駿他年如山水波立慎勿攜此過江東

嘉祐中有使江

南者渡采石風大作獻所藏幹馬風止乃渡

題香山寺圖

八節灘邊畫得無
嶺雲沙月興還孤
清風一舸棹歌去
疑有水仙來弄珠

一啜茶甘味未回
多羅千樹繞香臺
祇因七百年前塔
曾見龍門十寺來

絮落萍飄西復東
爪痕誰省雪飛鴻
憶從方丈三韓外

一點青山指洛中

幾時真作此山僧
石壁千龕古佛燈
更擬雪中尋慧可
五峯仙骨秀峻嶒

送履公住住香山寺

此心宿火撥寒灰
幡動鈴鳴日幾回
雪裏依然吳會別
丙寅冬訪師半塘寺留止旬日
夢中曾自洛陽來
任飛白鶴先提錫
欲飯青猿已築臺
師到諸天合歡喜
百千萬億閣門開

香山寺予所重建也前詩未盡意復作一篇仍用

原韻

金碧何從問劫灰，伊川勝概挽仍回。
恍從禪老浮杯去，可憶檀那獻座來。
留客堂寬臨石壁，飯僧田薄倚香臺。
只應徧種菩提樹，寺少樹故云寶藏千花次第開。

題汪退谷中允香山詩後

嵩山邈迤來百里，到伊闕巖巒忽中斷。
伊水漾清越，嵩山靈草木香百竇。
泉爭發，層龕金粟影嵌空。
出石窟東巖，青蓮宇千仞，俯肆硯美人，何方來弄此川。
上月烟華夕。

金史曰九十三
卷十四
堪采空水遠欲沒自啟玉齒歌歌聲散林樾鳴鶴久徘徊
朱絃坐起忽寒芳時有贈懷舊情未歇感茲山澤遊
喟馬謝朝謁

退谷將歸吳中小詩道別

子歸萬里自天西伊闕春風試馬蹄白傅墓前新月皎

韋郎泉上晚烟迷六時洗鉢多華滿

退谷嘗留金為香山寺僧買田千

尺磨崖健筆題

又書香山寺碑及白少傅墓碑各一

今日迴看又陳迹一

尊珍重此分攜

次退谷原韻

留得香山一卷詩

退谷許歸吳中刊自唐以來香山詩都為一集

寶坊真喜復

開時大千界裏如來火

寺成後山頂時有火光如斗大入寺遠近居人皆見之

三

百年餘內史碑

退谷未至時寺先有一碑若預儲以待者

新種竹枝風嫋嫋

乍疎槐葉雨離離與君他日同歸鞅異代分司共左司

題澤州先生午亭山莊圖

天井闌頭太行路千峯萬峯半雲樹仙源迢遞杳不逢
徑欲移家中住門前嵐翠自朝暮屋下清泉幾滌注

沁水南流午壁亭此是尚書讀書處鵝鸞臺閣四十年
金殿疏越朱絲絃明堂作棟倚大賢維名與功鐘鼎鐫
澄心眇慮萬象先圖史左右羅丹鉛文章一律金石懸
雅頌之手謨誥篇別有遙情寄巖谷水木清暉夢應熟
自逐閒雲度析城常招野鶴歸王屋琅函幾卷窺洞裏
仙草千年生澗曲平泉堂榭一百餘嵩少家山三十六
我聞愛山者豈必山中八千村柳色搖芳春桃花薦錦
紅影新方塘布靄綠漲勻公方謁

帝侍紫宸春山可望不可親
合眼便與烟霞隣畫師好
手亦莫遇誰為圖寫傳其真
耕烟老人江海客粉墨荆
關見遺跡為公揮灑無所惜
春鳩已鳴杏花白列仙之
癯在山澤公今經國豈辭劇
洛下方當相司馬蒼生詎
肯忘安石對公此圖為公歌
請公勿復三摩挲摩挲此
圖重惆悵想見蘿薜紛山阿

送沈碭房之山右

望望并州路情親此送君
晚秋汾水雁斜日晉祠雲去

住心多感哀遲手重分且將懷古意罷酒一論文

哭李寅谷

之子忽云逝書來涕泗流棋消寒夜永酒豁異鄉愁
意氣千金贈行藏一第休遺踪在箱篋筆法暮年道

澤州相公再入內閣和亮功侍講韻

如山比峻海量深東閣招賢集盍罄謝政甫投林下鞅
濟時重灑手中霖松喬位業三生契屈宋風騷萬古心
再見相公調鼎鼎都人歌舞古猶今

過德州與田子益話舊追送至二十里驛亭馬上

口占

酒場詩地草連空四十年來剩兩翁豈意三更明月下
依然並馬古城東長河浩浩催高浪短髮蕭蕭任朔風
猶記得隣堂上會玉笙吹徹燭銷紅

過東林寺

小憩聊延望爐峯秀色遮青山匡氏宅白社遠公家寺
逐殘碑破泉依曲磴斜影堂松雪裏一樹老梅花

楓香驛

仙尉壇何在青城縣久荒水爭流稻積葉自傍楓香竹
覆煎茶竈藤垂搗藥牀四山迴合處翠色晚蒼蒼

望天柱山

峩峩天柱峯可望不可梯蒼然紫翠內大有幽人棲
前走白鹿洞口封杳泥似聞紺瞳翁金鼎分刀圭千秋
靈仙觀名與瀉岳齊時有嘉蓮花千瓣流清溪仙源自
何處路絕人已迷烟月弄嬋娟遙挂玉鏡西忽馬海色

動夜半鳴金雞安坐鞭石牛為予起鋤犁寸田一成熟
磊落棗與梨茲馬宿夕留王事未敢稽攀星摘日月行
待醉墨題雲空焙藥巖水激風淒淒試呼左元放恐復
羣老羝

得張弘遠書並寄覆筭集

小謫猶應傍紫宸靈山別有碧桃春樓臺一一當蓬島
風浪明明接漢津文米石渠留故事姓名玉牒記前因

真仙通鑑云平固山頂有小石筭藏
玉牒記名山福地及侍道人姓名

能言竒字時真少

君是輸寥館內人

上十八灘

星隕如雨不在天化為怪石滄江邊章川貢川不知數
搏沙撒菽誰使然一灘復一灘一灣復一灣南來贛石
三百里恍在蜚風蠻雨間叅錯列齒齒屈曲鳴潺潺爭
流噴薄冰雪湧四面迴合巖巒環愛此萬古立積鐵濤
波出沒堅且頑有時娟娟弄秀色髣髴明鏡橫烟鬟既
廉以劇神所刊不夷而險天真怪捎瀆撒漩敢輕上長

年最能用力艱我昨青州過落瀨白雨飛灑衣裳斑打
鼓發船百丈牽中流弱纜斷蒯管吾生微命如戲耳魚
龍底用藏神姦明朝飛榜上天柱沽酒一笑開心頗苦
樂更迭無不便江鷗沙鷺爾許閒他時放溜小牒子看
我倚權乘風還虔州福地昔所傳道人天眼開禪闕竒
峯翠嶽疑可到待與猿狖相追攀花開四照天女蓮居
士之竹密不刪不須更載鬱林石即此便買愚公山
四月晦前一日雜成十斷句時在三水使館

駢枝爭放赤城霞
點點猩紅未足誇
卻怪千秋朱鳥影
一時併上日南花

似探玉韞剖珠胎
小白輕紅越女腮
忍病也須營一飽
此行端為荔枝來

小山幽處暗香同
入夏連春發幾叢
寄語月中新桂子
自今更不要秋風

咏月桂

雲車風馬歛交馳
破柱翻河又一時
惟有此君無限喜
夜來新長擗龍兒

雨銷毒熱氣如秋滿院榕陰翠色流也自絺衣與芒履
老夫何負嶺南遊

等閒喜愠亦區區暮四朝三為衆狙辛苦忍教思竹實
人間只有鳳凰雛

生憎怪鳥響輶軒賦鵬當時有此不安得蓬萊綠衣使
為予歌舞到金洲

山名在縣江上

佛桑焰焰說燒空浪得虛名爾許同今日一欄傾國色
豐盈爭敵綉毬紅

貽書忽報呂安亡

謂劉若千

旅館殘燈影半牀從此看花兩

行淚更無人見舊劉郎

閣鈴晝寂吏人稀病瘴經時減帶圍待乞三江一篙水
淡雲輕雨送將歸

庭前月季連旬為雨所敗昨忽於叢綠中出一枝
紅鮮可愛偶得六言一篇

天紅淨綠不二偶然橫出一枝佛法是何分別拈花微
笑移時

壬辰五月七日在三水使館上乾齋中丞斷句二

首

廿年盜竊太倉紅鮮鱸蓬池夢想中今日炎洲嵐瘴裏
尚欣乞米得從公

四壁已聞香出甌半甌乍喜滑流匙遙知帳下千夫膳
未抵書郎一飽時

病起到東軒書所見

雨過江城換葛衣雲中殘點尚霏微佛桑初亞紅一朵

已見滿庭蝴蝶飛

乾齋中丞見和原韻意有未盡復為五章又追和

之

戟府風清六月霜
坐看談笑靜蠻荒
庾公樓與山公馬
獨秀峯前八桂堂

禁中頗牧許誰同
簡冊西南出

聖衷此日耽書傳
杜預異時截韜記
姚崇

文星萬里入牂牁
斗極光芒氣象多
公是濟時霖雨手

五湖未可問漁蓑

來詩有何如釣
艇自披蓑句

名賢用意自深長
館閣猶餘荀令香
慙愧踈慵繼公後

五月廿六日聞有
新命重入翰林

禁鐘宮漏幾迴腸

小淹可為荔支留
妙句銜金一散愁
望盡羚羊峽中路
海天涼雨氣如秋

泊英德城下

山城斗絕一孤舟
日看清江泯泯流
不競此心真似水
忘機隨地只如鷗
風生先入涵暉谷

元次山
有銘

浪起疑吞

咤雪洲嶺嶠幽深羣盜在幾時五管得賢侯

峽山寺

海風東南來帆落江上寺誰云香界遠已逐疎鐘至朝
陰延虛明林影入幽邃舊讀茅君傳十九此福地我到
不二門願聞無漏義禪堂梵唄寂野僧餘三四緣雲窮
攀躋靈境所歷異蘇公有遺跡滅沒巖上字橋迴瀑泉
聲懸注百尺駛溢胸冰雪淨觸石琲璣委昨從廬阜過
開先跡猶悶黃華水簾外得此足慰意山神亦何心飛

雨隨履屐豈應嗤熱惱出此故游戲猿鳴山幽幽上下
烟蘿翠佳人昔歸日彈指十歲事長留碧玉環永鎮山
門器喟焉空愛染何處著名利

南山寺納涼

庠編蓬篲窄安牕毒熱驅除豈有方瘴嶺雲生明似火
蠻江日浴沸如湯偶尋修竹千竿翠暫借清風一枕涼
長記英州城下路南山孤寺老僧房

聞羣盜營翁源曲江始興三邑連界火燒山下馳

往相視山高路絕備經艱險信宿乃至作一篇

連山百里翠氤氳洶洶奔雷洞壑聞鳥道但餘麋鹿跡

龍圍

龍圍石在絕頂
去賊巢只數里

已入虎狼羣仙靈縹緲諸天接雲

雨虛無下界分莫怪一身臨險絕草堂猿鶴久移文

發三水戲作

長年上瀨不須愁已挽三江水倒流一夕南風飽帆腹
浪花如雪擁船頭

風意如人往復還來時自北去時南明珠翠羽飄沈盡

先一日颶風作泊
岸官艘重載沈溺
始信江神寶不貪

輞川詩畫老兼工
三載蠻鄉記土風
草木亦如吾臭味

荔枝紅並佛桑紅

味外江瑤應一格

荔枝風味配江瑤見中州集

詩中含笑合交光

東坡

詩娟娟泣露紫含笑
娟娟燒空紅佛桑

海南絕代雙邢尹
老我春風笑乞

漿

重經大庾嶺

梅花國裏憶初春
丞相祠邊柳色新
明日秋風天北路

後一日
立秋

半年瘴雨嶺南人
山巖落落羞凡骨
雲海飄飄
信此身第一塞
遮東嶠口螺紋九磴本嶙峋

江上對月

清江夫如何
暝色帶林樾
娟娟衣上影
潏潏波間月
西躔秋已至
南陸暑未歇
新浴御纖絺
迎涼櫛衰髮
半年熏瘴霧
海氣侵肌骨
詎意一扁舟
仍來坐超忽
昔經灘石險
今為江漲沒
即此空世悲
終焉謝天伐
沈沈水精宮
蕩蕩白銀闕
幽賞情未已
雞鳴榜人發

與邱翹梧

高安官且免糟缸

微官終日守糟缸子由句也

郡治蕭然卧竹牕民

事由來等身事蜀江元只是家江

瑞州舊有蜀江門即錦水所經翹梧令蜀

温江八年有忠政民歌思之翹梧亦惓惓不忘故云

同攜明月三更笛似到秋風

七里瀧老去經營復何有荒蕪休問石田雙

自過舒城環山流水密竹深林至黃梅復見九江

即步黃梅店壁上韻

龍城西畔太湖東步步看山了不同雲木週遭三百里

此身常在翠微中

自嶺外歸重經逆旅用壁間舊韻後一日即到東

林矣

七月十三日

中元節漸近大會說無遮何點雖登席周顛未出家幽
期二林隱遠勢九江斜優鉢曇應見風開齒芍花

東林寺

漸看雲散月流天那得沙崩岸出泉夢裏已空菩薩蓋
閒來聊問祖師禪名山乍到心差領佳句雖存法不傳

夜話亭前重懷古也應學佛也求仙

蓮花池上落還開
荔子洲邊去復回
炊飯喜當紅稻熟
到門肯遣白衣來
氣含蔬笋樂莫樂
味戰膏粱才不才
暫與廬山作賓主
香爐峯對講經臺

十八臺

萬里征衫洗瘴塵
邊沙漠漠起寒雲
橋迴野店孤燈出
夜靜空山脫葉聞
十八臺空號卧虎
兩三戶冷走驚麇
侍臣咫尺依天仗
豹尾前頭萬馬軍

壬辰九月十一日

行在啓事愷功都憲以近詩見示循諷周咏因作小詩

八章

龍嘶萬騎曉駢駢赤羽旗邊立仗新一卷把公冰雪句
不知何路有飛塵

四山紅葉及秋遲卻與黃花九日期一鑰詩情誰會得
應於馬上獨吟時

潮河絕境自天開

御製詩酬燕許才遙望乾光護東壁一時雲漢共昭回
三篋河東扈從餘永興博洽冠周盧文章韓杜真何憾
須識胷中萬卷書


玉壺買得春多態茅屋聽殘雨滴聲何似仙人步東斗
直從九萬御風行

殷紅刀尺自牀牀別有天孫雲錦張欲覓金針了無處
空驚七十二駕鶯

舊巢已隔九重深老鶴孤飛忽禁林夜半玉堂還伴直

七條絃上愛希音

廿年文事得從公
沆瀣秋旻一氣中
今日味思禪悅味
醍醐酥酪可還同



懷清堂集卷十四

欽定四庫全書

集部

懷清室集卷十五至

詳校官左中允臣瑯五珠

助教臣常循覆勘

總校官進士臣繆琪

校對官中書臣戴衢亨

謄錄監生臣張鴻仁

欽定四庫全書

懷清堂集卷十五

吏部侍郎湯右曾撰

雨後

膏乳爭流野勸耕
濃雲旋卷晚還晴
萬家燈火常依塞
四面煙嵐盡繞城
泥滑過門知客少
茶香入院愛泉清

夜闌一枕伊涼夢
喚起檀槽鐵撥聲

馮舍有小伶一部

題畫

清閔閣前煙景富春江上家風悠然雉尾龍尾宛在詩
中畫中

賀韓城大司寇張公

紛綸三相門得姓天上古淵源溯貽厥累積自父祖幽
潛發竒光大賢表風矩刈楚黔陽秀羨粟太倉庾莪莪
尚書公早歲繼前武講筵陳六藝秘閣紬四部函丈東
南行諸生比鄒魯獨識斑麟角每用漸鴻羽秋燈窮巷
中為恤機杼苦至今所拔士豈但十得五歸來踐臺閣

色線舜衣補

帝曰咨秋官乃往視圜土吁嗟武健吏側目劇乳虎人皆望臯蘇獄敢倚徐杜惟公正直性不茹亦不吐未停貝錦織百中舍沙弩西歸謝賓客請學老農圃明年官曹清國典威質斧仍間尺一

召朝野歌且舞還登喉舌地上荷

聖明主時當

萬壽辰大澤九州普公尤承眷渥瓊章照朱戶六代恩

榮殊盛事快先覩披圖得髣髴賀客正旁午門前五丈
旗鏗鉤節金鼓飄然鸞鳳

詔遙下神仙宇廟祐列堂庭禮器陳篋蓋拜前復拜後
至敬僂偃俯是時雙鳳皇聯翩秘書府童孫又玉雪繡
綵手弄組光榮被戚媪歡喜到僮豎家風萬石君問馬
用策數伸弓實弘道占星百里聚于門知必興秋茶解
網罟矧茲邁種德淑問天所祐應期調鼎鼐為國作風
雨右曾薄材資短筆了無取未能諧鐘律浪自鳴瓦釜

聊從嘉慶餘頌此股肱輔他年論世閱會冠百氏譜

四月十二日宿愷功都憲別墅月中放櫂徧遊諸

勝

忽牽野興到江湖沿月扁舟入畫圖幾曲波光連太液
千枝燈影散蓬壺輞川嶺乍迷斤竹洛下花新放鼠姑
無數煙雲滿清供先生自愛列仙儒

題愷功都憲自怡園二十一首同查悔餘兄弟賦

箕萐鳩

南階日夜添

選之詩
添南階竹

東谿森復綠

唐陸陶詩
東溪綠玉君

君

看讀書堂正在篔簹谷

雙竹廊

雷奮穿牆日龍騰破壁時誰能礙高節並上拂雲枝

桐華書屋

庭陰炎氣薄雨滴夏景清高唱出金石載懷東方生

蒼雪齋

北地少竹色低叢亦可愛矧此青琅玕節比江南大

巢山亭

蒼蒼斗立壁中有太古陰
雨自膚寸出雲歸黻黼深

荷塘

荷花紅似拭荷葉綠堪把
遲爾盪舟人月明風露下

北湖

落日荷芰香朝陰梧竹色
咫尺煙波間已隔水南北

隙光亭

遙光木末映孤月雲際豁
一葉向鷗邊江湖渺空闊

因曠洲

高下唯所適池館遠追攀耳目一以曠水天心共閒

邀月榭

謝公邱壑性無事此頻來寧知邀月榭即是凌風臺

蘆港

明湖思舊歷髣髴廿年事

自大明湖至歷下亭與此景絕似

夾岸蕭蕭

聲已覺秋風至

柳汧

澄波屢迴曲高柳環其中千條與萬葉一一含清風

芡溪

綠盤圓欲齊紫苞剖可食的鱗萬真珠水妃惜不得

舍漪堂

倒射溪堂明漣漪開夕景潏潏霞上波漾漾月中影

釣魚臺

寓物尚可樂細大理則均海中連六鰲何異一寸鱗

南橋

橋邊巉巉石橋下泠泠水憶昨一扁舟潭烟山月裏

四月

十一夜於此橋
下登舟游歷

雙遂堂

名賢際昌運鐘鼎兼山林濟時稷契老高世箕頰心

紅藥欄

翠色紛可擷紅芳似有期悠悠晚春節小謝省中詩

靜鏡居

萬綠息心瑩百態呈影寫湛然一室中顧此悠悠者

朱藤逕

幽陰逕乍轉蒼翠色如許自繞長廊行不知三伏暑

野航

非舟復非陸

三面臨水

妙意寄所航幾時秋水至還共客兩

三

愷功都憲有壽山田石山高月小硯屏歌他山繼

作亦和一首

公有希世珍近在几案間几案之間咫尺耳乃有峩嶠

天半萬仞之高山山高路杳聲影絕但見孤月一點開
烟鬟青冥萬里賈其九光景蹙縮栖人寰斜漢左界覓
不得絕代之子竊藥仙去仍來還公詩如蘇公遙與風
林月石妙句相追攀查田亦繼作喜獲聯壁來雙環舊

聞芙蓉峯前壽山麓落落有石謝石頑温其

金厚載賦
剖温其之

潤

比德瑜與瑾紅細紫白艾綠殷惟此黃中實通理正

色凜凜邪不姦金精下融黑江底虹氣上貫銀河灣輝
然天寶玉出田一笑直破造物慳置在公家琉璃雲母

四十二幅裏時有雲氣生斑斑我雖未摩挲他日容叩
闕仇池有穴夢可到況此日夕隨清班涵星泓邊管城
側休沐倘許終朝間應從月脇望瑩潔似入風磴聽淙
潺願公壽國壽民長如此壽石者坐令百歲猶朱顏

憇椿樹下

自愛吾廬美蔭頻一回徙倚一回新青雲布葉偏宜夏
黃纈舒花已過春添得清風生北牖借將翠色與東隣
年年不改濃陰在底用莊生紀大椿

五月十三日喜礪房自汴城來京酒闌話舊感賦

千里嵩陽一紙書

先五日
得來書

書來繾綣說相思每嗟落月

何由見豈意深杯忽共持萬事風花傷眼底兩家羊酒
記兒時白頭未忘平生約五畝柴桑指後期

宿石匣小庵

地曠金溝館山圍石匣營千巖蒸雨氣五月作秋聲有
水皆穿塞何年此作城晚投雙樹宿塵夢一宵清

僧房間寂偶憶東坡白髮相望兩故人句因念礪

房甫至悔餘將歸隔越數百里不得見也悵然

各寄一首

相顧衰年百不思同開三徑每嫌遲山中玉烈呼應出

雄飛

地下陳琳弔豈知

叔毅

某水某邱猶昨日一班一

級竟何時

備房方謁
選吏部

期君對酒欣然笑贏得江東號沈

詩

鷓鴣臺閣正連翩忽賦歸歟種秫田為樂每憂兒輩覺
生天一任丈人先元和體有三千首謝朓才論二百年

我欲舉君還自代似君真合領羣仙

次韻悔餘畫義詩兼呈愷功都憲

莫笑鄭廣文寒無坐客羶莫嗤玉川子破屋團團天我
貧亦好事有琴常無絃君家綠玉玦半破九府圜復有
桃竹杖登山可梯緣二美必有合玉潤竹節堅仍作靈
壽扶兒童笑應顛畫義仿古製六幅挂巨然放翁詩分
明六幅巨
然故事舉東坡臨臯日百錢詩來語絕妙價抵黃金千
揆公洵彊對吟廢食與眠一篇特乞此句法鐘律懸定

心苟不起尤物誠可捐我笑轉一語鄭壁易許田

懷

恩紀事詩

有序

康熙五十二年五月二十五日蒙

恩召

臣

右曾隨諸王大臣後

宣賜筵宴得遊

避暑行宮伏見山巒竒秀湖水澄澈林木葱蒨烟雲卷

舒珍禽喧於百族桂花發於列砌飛流懸瀑風

泉益清翠壁蒼崖臺榭間出蒲蓮行芷浩蕪澤
之觀菽麥稻禾譜田家之景凡諸耳目應接步
屨躋攀多夢寐所未經亦意計所不到仙源乍
引靈境徧探誠怵誠歡詞難覩縷復得仰窺

聖製特灑

宸毫詩文為萬世之師書法兼百家之體皆由

幾暇備極思功雖

天縱之神奇亦學力之精興臣俯投五體驚嘆無涯仰

贊一詞形容奚自復蒙

賜臣扁額對聯

異數殊恩出之望外以方往古則唐之劉洎宋之張錫

遭逢之幸臣殆過之感激寸忱銘鑄心骨謹呈

懷

恩紀事詩二十四章臣右曾稽首頓首恭進

入

宮門

苑籞紅泉繞翠岑

萬幾餘暇始登臨
寧知清暑迎涼地
盡是誠民阜物心

登舟

搖溶桂檝漾蘭舟
青雀晴飛彩鷁浮
欲到蓬萊三萬里
應從瀛海更乘流

賜宴

仙人六膳出珠宮
九奏簫韶率舞同
百子池頭萬年樹
侍臣身在綵雲中

無暑清涼

碧樹周阿夏景清三才萬物塵

皇情每尋解愠歌薰句已覺涼颺殿角生

萬樹園

遙青不斷綠雲鋪萬木蒼然總畫圖對面千林有瑤島
蓬壺高處望方壺

趵突泉

湍流噴薄雪成堆潤物資生一竇開直送

恩波到東海俱從天上發源來

石磯觀魚

穿蒲戲藻自游行集網垂釣了不驚自是

至仁周萬物一鱗一鬣總生成

瀑布

曾從廬阜尋巖瀑憶到黃華問水簾今日銀河天半落
恍疑兩地一時兼

石壁

迴崖脊嶂翠浮空峭壁巉巉插水中直是五丁開不得
天然叠出錦屏風

曲水流觴

波迴芷岸接菱汀曲水流杯眼乍經總為

帝書真第一恍從蘭渚到蘭亭

雙湖夾鏡

夾鏡澄明倒碧虛四山晴翠繞周盧分明圖畫西湖景
此景西湖較不如

稻田麥隴

稻垂麥仰足陰陽土厚泉甘草木香會吐雙歧銜九穗
一星天上應農祥

上帝閣

聖心原自合

天心誠敬由來昭格深此日高居瞻絳節六時仙樂海
潮音

西嶺晨霞

軒窗面面納紅霓左是丹臺右玉梯每惜寸陰勤
乙覽晨霞紅映數峯西

芝逕雲隈

殊形特似產芝房行盡雲根別有莊橫截一隈銀漢繞
大羅天在水中央

白櫻桃

青絲籠裏盛猶早白玉盤中看不殊每向上蘭宮樹望
勻圓萬顆水精珠

金蓮花

移根幸植玉階旁
寶地蓮臺萬品香
天與十分端正色
豕

恩先借御袍黃

馴鹿

仙巖時有絳雲封
榭葉陰邊自養茸
待到千年毛盡白
仍驂赤驥御蒼龍

候雁

將雛挾子共因依
瑤草金沙翠羽肥
從此隨陽天直北
年年更不要南飛

草荔枝

龍沙小草孕瓊漿

賜出金盤得共嘗
一自嘉名

天錫與海南不記荔枝香

恭讀

御製麥秋詩

墨海烟雲五色鮮

宸毫灑向麥秋天自今金匱瑤函裏併入幽風雅篇

恭讀

御製烏鬚文

皇心無偽亦無欺監誦

天章謨典垂宵旰但期民盡樂不辭點點上霜髭

恭覲

親麗宸翰

筆力真看挽萬鈞
包羅百代典型新
自從羲畫開天後
古往今來只

一人

恩賜扁額對聯

勉思清白勤官守
敢謂文章侍直廬
五色榮光照蓬華
子孫世世寶

天書

紀

恩詩 有序

閏五月初二日二十日復蒙

恩召臣右曾隨扈從

頒賜珍膳兩遊

避暑行宮清漪翠嶂隨境而皆澄鮮美木佳花踰時而
彌暢遂接芬芳於耳目發清曠於心神

君父之恩至於再三臣子之榮溢於涯分似茲感激莫
可名言又臣留止熱河殆將經月竊見五風十

雨擊壤歌衢場麥既已畢登秋禾行復大稔間
各行省莫不皆然此皆我

皇上萬壽昌期

上帝眷佑鴻禧純嘏日盛月新正未有艾我

皇上受福於

天即錫福於民臣誠踴躍懼忭上慶

一人永膺無疆之庇下喜萬姓長享太平之樂手舞足

蹈莫知所云也又臣所歷山亭池館皆有

御題仰見我

皇上典學勤政阜物寧人之至意當此豐亨和會之日

彌懷憂勤惕厲之心發於至誠形於實政此真

自古聖帝明王所不能逮旬日中更得仰讀

御製朱子全書序及理學論發內聖外王之全功析三

才萬物之奧義直範圍乎百代洵包括夫六經

文章之事至此極矣更得恭誦

御製文光果及溫泉應候詩呈形肖物比興之旨該宣

化授時亭育之功溥法度之精密意義之宏深
自漢魏以及唐宋專門名家者皆莫及也 臣庸
虛弇鄙未獲窺見萬一惟是心悅誠服口不能
宣復撰紀

恩七言律詩四首仰請

聖訓 臣 右曾稽首頓首恭進

君恩重許到行宮
複嶺澄湖望不窮
仍泛靈槎渡河漢
復驂法駕上崆峒
神輦路迥環仙境
福地天開養

聖躬長願萬年調玉燭五雲樓閣翠微中

謳歌東陌復西阡瑞麥嘉禾滿塞壩人慶六旬逢

聖節天教九域徧豐年中和氣與陰陽會易簡心通造化先昨日山靈出時雨為迎仙蹕到溫泉

松風別殿倚層岑寶字瓊章許過尊孝養陔華宗

帝德阜成民物見

天心文包理數圖書秘詩叶咸韶雅頌音揮翰萬言成
頌刻由來

聖學至高深

龍葱佳氣接芳原
淑景晴開闔闔門
三謁

帝臺當畫水每承

宸幄似春溫
風前紅萼穿波出
檻外金英耀日鱗
小草亦蒙天地德
微材難報

聖明恩

次韻櫻桃

塞外熟應晚
枝頭摘尚先
味道逾英豆美

山櫻桃
名英豆

色並若

榴然密綴瓔相似偷窺鳥作緣山家清供好況乃近宮
堦

次韻野雞卵

雉子斑猶未虞人網已羅草深疑乍乳麥秀得全窠破
殼完差少堆盤累已多俊思賓閣味

四月中在苑
西曾以食余

一色

耀銀鍋

閏五月廿四日與玉叔通政經憇長山峪北小茅

庵

烟光嵐翠洗氛埃，憶昨茅亭絕澗隈。
白雨忽催人共去，青山應識我重來。
森森灌木陰皆合，寂寂巖扉叫不開。
與子共乘風雨腋，便從此路上丹臺。

前月二十二日至
庵中被命追還

熟河

題許不棄先人甌香書畫冊

二王遺法未銷亡，十紙分明似過江。
想見夕佳樓上客，虬龍風雨夜穿窗。

畫手詩人兩並傳，寒藤古木入蒼烟。
百年浩劫拋殘後

猶記風流水墨仙

懷清堂集卷十五

欽定四庫全書

懷清堂集卷十六

吏部侍郎湯右曾撰

槐

與作西清故事傳槐龍舞翠後堂前陰濃布葉五六月
椽杙空腔幾百年樹古幸無人剪伐地偏不受物糾纏
晚涼風露齋居夜影在中庭月在天

以一尊送獅峯先生

釀出中泠水分張揚子城百壺殘歲買千里小船迎紫
蟹霜添味黃花夕綴英送君明月夜不負景山鎗

輓履公

履公昔少年意氣多感激追逐幽并兒馳騁游俠窟常
跨追風騎時穿沒羽石一朝忽大笑脫去頭上幘言從
釋門老屢登角巾席談義入空空遇事猶咄咄曾同孫
叔處三上賈讓策參問北寺囚擁護南冠客至今稱義
士方外棄可惜我憶初識師江上月初魄畫灰仙洞古

煨芋山樓夕雲水自此分懷抱終不隔前年到京國告
我將遠適我謂師已衰是處可飛錫龍門蕪沒久寶地
我所闢請留香火社冀踐支許跡靈山草亦香仙源水
更碧三年彈指耳禪老倏已寂秋林剩遺蛻雲海無留
翮前生憶君房後會話圓澤餘此露電身哀淚猶一滴
癸巳重九前六日送吳紫葦南還

清遊山水間日念從故人故人翻就我屣蹴十丈塵此
來問何事廿載觀國賓泮宮芹可採弟子行僣僣可憐

首宿盤不救博士貧矧聞中臺選比歲多積薪明朝告
我歸秣馬膏車輪霜天雁行遠籬落黃花新恨不從子
歸說歸已苦頻譬如畫地餅欲噉知無因薄田亦可耕
釣竿亦可緝所惜江海上未易著此身飄飄白鬚翁歸
與靜者鄰免郎立門戶文筆已足珍西湖天下景妙絕
無冬春應共王與章游賞昏及晨上為衝風翼下為潛
水鱗飛沈定何如此義難具陳

送朱旦平南歸

客中送客迥添愁歸及江村事事幽經歲旅程嘗並馬

往時仙侶憶同舟

謂乙酉扈揚州始相見時

湖聲蓮葉堪銷夏鄉

思鱸魚不待秋應念梁園詞賦地白蘋風起更重游

蚤春書齋

跋履行仍軟褰衣坐每偏梅花初臘月柳色半春天冉
冉旋移籬悠悠忽到年漸看芳意動物態各欣然

題蔡雙瞻勸耕課讀圖

田歌未必便知田才地烏衣覽舉先歸及清溪花繞屋

稻香十項在門前

六詩三筆駕諸劉腕脫兜郎未肯休他日讀書花嶼上
老夫還為阿戎留

三月二十三日入藤花廳花事將闌矣

一年容易及花時待到花開看較遲

旬餘在萬壽經壇

槐柳陰

中春已老燕鶯聲外蝶先知綠雲片片將成幄紫玉條
條尚綴枝三百年來遺事盡

花為吳文定公手植

風流留得在曹

可

遂寧冢宰有作因次其韻

繇英密葉自年年常在朱闌碧檻前
罨畫溪從新竹繞

罨畫溪兩岸多朱藤許渾詠
紫藤云家近江南罨畫溪
平泉潭共綠羅懸
李德裕有思平

泉潭上紫藤詩
龍蛇屈曲盤空上
罽珥丰茸壓架偏
豈敢對公

終不飲
用包孝肅君牧司賞花事
惜花較似醉差賢

冢宰又有綵衣亭藤花詩再次其韻

曾聽三霄鳳響清
脩然鶴骨本來輕
天教國老顏長駐

太公年九十餘康健如少時去年春曾來此
人對花枝眼倍明
簾外似添香

百和鬢邊能掃雪千莖

常春藤使白髮
還鬢見唐書

劍闌西望頻回

首忠孝知公萬古情

甲午首夏送楊且園之江西司馬任

竹林前會共裴回

謂于後
懷州時

京國重逢酒一盃自首首陳

傳地望於今覽舉識門才詩題嘉祐江亭好官佐鄱陽

秋月來

李白送弟赴鄱陽司
馬詩朗此秋月滿

石藏山頭茶泛乳千峯翠

色越窰開

浴佛日

拂地簾垂淨几塵高槐影落鳥聲頻偶思浴佛方今日
自愛清齋亦舊因湖上放生誰入會山中燒筍欲嘗新
諸天更乞曼陀雨為洗紅埃熱惱人

時久旱
故云

題宋喜起晴川望雨圖

使君昔登黃鶴樓晴川極望空悠悠使君復上晴川閣
重向樓中招黃鶴江漢交流清復清高槐大牖漢陽城
蒼然暮雨洪山路猶識使君吟眺處

又題晴川望雨圖

手挽二石弓目識一丁字大笑兩不如刈禾田家子田

家望歲歲屢豐莖蒲葉綠桃花紅村南煙舍許我同亦

村南買煙舍子孫相約事耕耘義山句歸當與子成兩翁

送高則原之永寧同礪房作

連山古洛陽勢盡西南傾熊耳更巉絕削出水固城邑

承詩禮遺

見范文正公志

俗少錐刀爭年來歲苦旱十室九不

耕頗聞窮谷中時有枹鼓鳴問誰職撫字而令盜弄兵
詔下得賢侯抃舞走孤筦袴襦足我衣芋豆飽我羹從

今得休息豐歲餘笑聲子有國士風奇節自夙成讀書
十行下不取博士名策中甲乙科詎曰鄉里榮廿載游
俠窟鞍馬從幽并南浮踰江淮海風影縵纓手定溝洫
志身載標輔行幕府資俊賁鑒洞心更精旁搜百家術
獨徃萬古情我小同里閑結愛弟與兄中間幾聚散如
月有虧盈去留雖殊趨喧寂無異營茲焉重送子暑雨
方淙瑱前望洪河寬取途舊汴京單車輟轅道嵩少紫
翠橫子雖未到官父老歡相迎瑩爭明鏡徹潔愛寒泉

清期子數年中手當把麾旌男兒濟時了官爵脫屣輕

歸來尋二老茗飲同柴荆

謂予與
澗房

惠休耽佳句昭畧非

狂生

題阮于岳少司空羅浮香夢圖

先生夢到羅浮村萬株玉雪搖清芬蓬萊宮中綠衣使

一片化作朝飛雲勝情高寄今安有蠻榼三升花下酒

雙羊路入讀書堂借問南枝著花否

梅都官詩風雪雙
羊路梅花山下村

在宣城
西南

題廖長林少司農小照

華纓寶帶鎮隨身白石清泉夢想頻
那得蕭閒遽如許未妨自寫集賢真

參差玉樹已連叢豈獨黃門有父風
添我圖中老賓客尚思酒食溷秦公

查浦移居作一篇代柬

宅南雅與柳郎親去作青楊巷裏人
命駕便如千里遠望衡猶記兩家春
朝昏步履前真懶風月談諧後要頻

祭竈有期應召我不論新舊總比隣

過查浦新居壘前韻

欣然掃徑得情親坐覺清風遠
趁人竹葉一叢還聽雨
荷花六月可留春
暫休簿牘歸差蚤
未厭茶瓜到肯頻
咫尺雖嗟門巷隔
他年終作五湖隣

送方文翰之官豐潤

時六月朔

百里郎官永濟鄉
六街同聽雨浪浪
不論擺種秋田熟
已喜臺符免捕蝗

醴泉一酌夏應寒

國經醴泉鎮其北

豆飯蒸壺愛長官我笑汧

陽未知味定無餘想到猪肝

地產猪肉至美故戲之

立秋後一日愷功都憲苑西別業觀荷偶得六絕

句同查浦侍講作

依舊城南韋曲遊
芰荷香裏入汀洲
水邊已有冷然意

今日西風昨日秋

平泉草木手親栽
十頃風荷爛漫開
閒倚水晶宮館立
待公那得便歸來

優曇妙句析塵空

都憲有園中白蓮花詩至工

轉語還思舉問公等

是千華避顏色未須愛白更嫌紅

棟紅種白蓮見長慶集

蓬池並賜繪芳鮮隔歲槎浮近斗邊最是閭風西閣上

下看萬葉盡田田

去年閏五月十九日在寒垣請歸京師特命再留一日次蚤偕都

憲名入行宮湖中觀新荷時西嶺晨霞閣登望最盛

分吟猶記繞池行

去年六月花時與梅餘來游竟日各賦詩二十一篇

采采江南

贈遠情今日平津池上客好詩誰繼白先生

樂天有裴晉公集隨

林亭即事詩

來看一度一華年浪作琴高水上仙直待波心千葉碧

出麻姑壇記

會應蹋藕也如船

初秋蕉山給諫招同查浦侍講退谷宮允勉齋侍

御小集石幢庵

歸然削出此香臺恰在蒹葭野水隈一夕肯拋明月去
廿年猶共故人來因緣舊夢銷禪榻觸迂間情付酒盃
九陌歸途正燈火少留未用僕夫催

題吳孝先垂釣圖

冰雪丰神卷裏看綠楊絲外暎青欄五湖儘有閒風月
留取松陵一釣竿

八月十三夜相湖招同天門學士緘庵侍讀聿脩
宮贊蔗山蓼亭兩都諫小飲王文靖公怡園偶
話舊事感歎有作

朱門幽寂似巖阿壁月圓來兩度過

前月十六夜亦集此

今日城

南韋杜少舊時池上管絃多花經晚晚驚秋未人顧娉
婷奈老何顏卻玉山拋寶盞不須重唱百年歌

題酉君侍講梅竹圖

偶攜東觀仙人筆，閒寫西湖處士花。
猶恐此花偏寂寞，數枝添得竹橫斜。

幽光艷艷猶含凍，勁節森森未放春。
愛爾歲寒雙並友，要從冰雪鬪精神。

為介夫題文徵仲西湖圖，即以道別。

水雲光影接樓臺，淨拭菱花鏡面開。
笑我州人如寄客，十年一度此中來。

十年一度此中來。

予自丁卯去湖上，丁丑一過，乙酉再過，今人十一年矣。

幾隊笙歌載酒行
白頭無復少年情
時時夢到湖心寺
浴佛前期為放生

二十年應無此湖

東坡奏狀中語

沙填葑合水將枯
何人更似

峨眉老添得長虹一綫無

年來湖西南葑草彌望沙又漲較宋元祐時更甚若於

萬隄增庫為高加廣數尺人不勞而費省

子歸先合到吾鄉
五月風漪菡萏香
定有新詩嘲杜甫
西湖涼較鑑湖涼

注水小池

煙翠三峯石清冷
一勺池映巢窺雀
敲出水戲魚兒細
引泉分笕新牽
荇作絲輕冰終夜
合待暖曉還澌
數尺俄成沼三峯
欲出雲斜能涵月
影細亦蕩風紋漾
漾苔磯沒淙淙竹
笕分紅魚穿碧藻
來徃若為羣

苑西聿脩學士新齋

幽棲如小隱把卷
有餘歡閒寂人三
徑丰茸藥一闌幕
寒風掠戶瓶汲井
飛澗定有郊居賦
何人始解看

藤廳花事較去年
殊減

紫藤陰裏重婆娑花事匆匆倏又過白侍郎來嗟老矣
杜樊川至奈春何赤衣貴仕塵中夢青鬢流年水上波
等是容華易銷歇轉思開少勝開多

安溪相公養疴蒙

恩日賜玉泉山水二器蓋異數也為賦八章
螭頭清寫足蠲煩中使頻宣

詔旨溫天下水泉三億萬更無人得酌仙源

閒徵故事古來無萬口流傳滿上都爭道相公清似水

故教日送兩宮壺

流膏普潤徧桑麻
開府畿南澤未涯
今日民心合天意
固應宣賜到公家

仙盤欲浥金莖露
夏簟思分玉井冰
何似昇平黃閣老
一泓靈液掃炎蒸

瀛山甘醴帝臺漿
異數長留政事堂
一片清襟照冰雪
泛來花乳古匱香

連筒遠引山家趣
置遞遙分水驛程
公自無心隨萬物

琉璃一鏡本虛明

異恩殊渥迴無倫康濟應先報國身東海平分千斛水

憶曾宣

勅到波臣

往歲上嘗命郵傳日取海水賜公

淄澠分別定誰賢一線休爭水脚先萬頃何從測涯淡
似公涵得性中天

三茅觀舊作

楮書曾共鼎鐘藏六甲天符忽取將宰相憂時有何事

金籠蟋蟀半閑堂

家望衡太守七十生日

每憑問訊尺書傳，鴻雁分飛幾幾年。
小憩棠陰留海外，舊栽松樹老江邊。
婆婆春社三杯酒，穉稭秋風十頃田。

且把官曹付兕觥

今子懋綱需次員外郎

先生真作地行仙

雨行城下

豈敢稽公事，泥塗畏此行。

綸書排日下，朝鼓應雞鳴。
苔長侵牆色，河添放牖聲。
今

年靈潦晚天復幾時晴

夕涼

夕涼移榻近風櫺
籬下秋蟲露下聽
月落西廊人靜後
小池螢火逗疎星

題三竹圖

凌雲千丈勢小筆疑可掬
遙寄北堂人森森護慈竹

乙未六月二十二日偶成

吾廬自好畫陰陰
況有清風時出林
滿院朝烟涼氣襲

平堦夜雨水痕生乍開舊帙除殘蠹未散餘香戀故衾
勝得些些惆悵處五湖三畝欲歸心

秋來

塵中昨夢黯然消海燕暄涼意欲超展罷小屏香冉冉
坐來大樹影蕭蕭每思抽筍添林竹苦愛看花種藥苗
三歲秋風團扇裏不須惆悵自今朝

次韻總憲李公雨後慈悲閣觀水

不妨冒雨復嬉晴漱漱當階水漸平為問西風知幾日

草蟲離落已秋聲

蒼陂面面足延襟
白袷輕寒雨氣侵
忽憶跳珠萬荷葉

一篷遙泊太湖心

拋來浩劫失前塵

予戊辰秋僦居黑龍潭下

魚鳥依然識故人
仍到

龍潭看飛雨
一年惟此最佳辰

香門百尺蔭疎槐
新築蘆塘荻岸隈
他日山翁肯同醉
蹋泥衝雨試重來

小池上

竹作屏風花作藩一泓剛對綠蘿門水涼池面新秋影
苔漬磯頭舊雨痕壘石會應藏曲折引泉正愛聽潺湲
曉來唼喋菰蒲上二寸紅魚是小園

眼疾

坐想金篦刮膜難生憎玉屑眯雙丸經旬酒盞疎勤把
累日書牀廢靜觀障礙風燈吹不滅清涼月露洗教看
待窮目力三千界變幻須臾史一指彈

題王儼齋大司農橫雲山莊圖

勛名直與古為徒
邱壑從知不孤
瞥眼由拳郊外豎
平泉木石輞川圖

蚤分霖雨到人間
棟宇煙雲日往還
指點玉屏金柱好
共言申甫此家山

生綃一幅武陵源
曲浦迴塘款乃村
明月三更淞上笛
芙蓉九朵恰當門

秋來紅粒夏青秧
十里平疇杭稻香
也是午橋裴令意
要將餘興看農桑

誦法平生孔與周
講堂微義足研搜
蚤聞別派驅楊墨
一疏江河萬古流

清言問答寄樵漁
博物高文味道餘
池上詩情許誰似
一船雙鶴白尚書

煙波點點出帆檣
咫尺仙家浮玉堂
好手為公摹寫得
太湖三萬頃波光

經游謝墅十年中
惆悵橫雲目未窮
今日江南好樓閣
紅菱雨過白蘋風

啟心造滕荷

殊知特

詔溫公書局隨獨樂園中最相憶合先鱸膾次蓴絲

泖橋波細澱山春他日追陪杖履親只恐調元黃閣老
五湖未許乞閒身

閒退谷中允園出清泉奉訪有作

幽居人似在青山窄窄松扉靜不闕鋤菜已欣新甲長
種花聊趁晚秋閒心依豐草長林下家住廉泉讓水間

澄碧一泓深見底尚留蒼翠古錢斑

懷清堂集卷十六

欽定四庫全書

懷清堂集卷十七

吏部侍郎湯右曾撰

乙未中秋後三日恭和

聖製奉送安溪相公暫假歸里

濟世功名蓋代儒奉持堯日矢臯謨健隨

天共三辰轉照若春回萬卉敷歲早蕩須霖雨佐時平
今應泰階符欲知元老勛高處度竿懸繩悉坦途

頗牧曾傳禁署儒蠟書間道贊

神謨請殲妖鳥猷真壯嚴戮封狼

命再敷王畧心勞明皎日兵機手畫授陰符孤忠最憶

艱危際歷盡羊腸九折途

孔周絕學繼醇儒

金殿洋洋翊

聖謨道合三才源與衍筆開萬象景紛敷丹青姓氏前
賢貴魚水君臣異代符千樹棠陰畿輔在壺漿父老拜

前途

祖道

天章寵碩儒上台虛位竚嘉謨都亭暫別千官會政府
重來五典敷國事較於身事急人心實與

帝心符潞公九十朱顏好何限烟霄萬里途

胡少宗伯抑齋招同羣公寓樓小飲時長至前五

日

南宮下直盍朋簪近膳盃添綠蟻深天宇空來餘脫葉

夕陽明處數歸禽
城隅車馬勞人態
河畔冰霜晚歲心
雪後看山應更好
他時重約此登臨

嘉平九日仍用前韻奉簡抑齋先生前有雪後看山之約故篇中及之

西嶺雲堆綠玉簪
不知雪片夜來深
衝寒未稅投林鞅
忍凍難飛出谷禽
病負一尊前日約
卧思三白老農心
敝居差有巖中趣
指顧春風肯暫臨

乙未除夕前一日次韻張漢瞻見貽之作

立馬江濱記別筵看羊海上數離年

昔與漢瞻邗江言別十九年矣

每

因出谷思求友差喜連章得薦賢紅頰相看猶好在白鬚一笑正飄然明朝待進春端帖憑仗詩催淑景先

再疊前韻送陳季方

貧家蔬藪愧賓筵柏葉椒花已判年落紙煙雲人共貴到門羔雁子真賢通經致用名高甚將母懷歸意灑然綠暗江南萬楊柳放舟猶及絮飛先

人日漢瞻文子思敏季方大昀峙公寓齋小集仍

用前韻

傳杯今夕是初筵良友相於可判年剛喜入春方七日
沉逢畢至有羣賢林中蕙草曾生未江上梅花尚宛然

有盈梅一本老
幹疎花絕可愛

爛漫星橋三夜月後期更約試燈先

藤花廳寄唐東江司勳

楊柳江潭手重分幾回書札話殷勤極知說士甘於肉
每惜論交散若雲松菊未荒餘舊業風流不墜寄斯文
紫藤花下陰濃處二十年來轉憶君

丙申四月三日奏事苑西蒙

恩宣賜大學士以下黎溪石硯一方歸示兒子學殖

殘書老眼兩三行伏獵猶存此侍郎東觀殺青何日是

余承脩書局
蓋五年矣 綠雲一片媿分將

小兒困卧強書驚苦念彭殤理未齊今日祥光生墨海

永年兩字自

天題 硯背有以靜為用是以永
年八字銘蓋御筆也

五月二十二日澶淵道中喜雨有作

昨暮雲興似翻墨雨脚垂天萬條直綠槍攢攢作猛聲
銀竹森森帶寒色野庭高羊舞一足鮮水鳴蛇斂四翼
流從舍東繞舍西雷自山南轉山北天將甘雷慰

聖意民以豐年感

帝德且欣此夕有安眠更喜今秋得飽食長安故人應
念我滑滑泥深行不得豈知瀟洒入山程為賦新詩報
相憶

送裴香山副使

時有修濬西湖
之約故賦此篇

使君未到官三載湖中居鷗邊渡水槳花下平肩輿時
叩野人門或尋開士盧佳辰恣搜討妙意紛卷舒搗來
十餘年風月情相於忽傳尺一詔隼畫翩翩旗昔游多
所欣今徃復何如官曹領鹽鐵典掌兼傳車別我炎氛
中涼颶生衣裾首言安人術次問當官譽我笑謂使君
子器貴璠璣風清萬廣厦弊絕百吏胥公事了湖中塵
累何足祛惟聞古良牧水利先堰潞六月鑿鄴侯決決
鳴清渠築隄白與蘇長虹跨天墟一寸資灌溉百里潤

耕畬只今湖西南日夜沙填淤老葑更蔽翳滋蔓不可
除譬如明鏡圓已蝕半蟾蜍使君能規度較易元祐初
增庠以為高加廣數尺餘金錢費差省畚鍤力亦紓美
哉復舊觀快若親爬梳渺瀰天水色蕩蕩涵空虛我歸
期明年言從漁父漁無煩兩黃鵠已騰父老書何以獻
使君春醞雜冬道何以壽使君木瓜報瓊琚平湖共臨
汎十頃風芙蓉何者知最樂南屏金鯽魚

重過萬柳堂

小紅橋上立移時四十年來再到遲
一片蒼葭迷野水
幾行疎柳帶荒祠
笙歌不記回燈舫
魚鳥誰能認鬢絲
剩有懷人惆悵意
春明舊夢省郎詩

題沈心齋閣學蓮塘小影

先生水石興猶偏
荷葉荷花淨可憐
但得環城三十里

不須更問雪溪田

楊廷秀過雪川詩菰蒲際天青無邊
只堪蓮蕩不堪田東坡守郡日亦云

環城三十里處處皆奇絕
蒲蓮浩如海時見舟一葉

萬家笑語藕花洲

林子中吳興詩萬
家笑語荷花裏

何日相攜一葉舟

玉鑑光中人照影水晶宮外月橫秋

十一月廿二日夜嘔血至升幾死後數日稍平隨

意所至輒成一首

丹竈紅鉛未奪胎忽從水底起龍雷
龜蛇松下尋難得和扁門前望不來
親舊相看還歎息吏人走報各驚猜
須知幽闕重高裏會有青銅鑠自開

歎歲流移失拊循可憐雀鼠指空困
病無力奮垂天翼老只心驚下阪輪
蒿少買田思舊隱首陽埋骨愧前人

燭邊細字文書在倦眼昏花讀未真

默從泉路數交期逝水流年已可知蠻府尚餘碑下淚

寓吳都猶唱卷中詩元三生聚會應何日六客存亡又

一時昨夢通明殿頭過依然玉立在瑤墀定制每九卿乾清門奏事

給事中八人班殿下予與兩君先後同官嘗同入直

從此真須勇退耕稻畦桑塢足間行子孫私計誰推荷

東坡歐公致仕啟妻子之計推荷之於後疾病餘年小太平梳頭浴脚長生事臨睡之時小

太平出宋張端義青身錄雞黍有時招近局漁樵重話似前生貽書

先報山中友已覺風生兩腋輕

汎湖船上一袈裟

家兄廣厓自乙亥
即棄諸生出世

宿植超然詎有涯

兄弟蚤年同奉佛官遊今日竟忘家對牀苦憶蕭蕭雨
入室空求冉冉花餅鉢歸尋清淨飲不須更吐飯中沙

為徐勉齋侍御題日南種菜圖

由來循吏是高人繞舍秋風小摘新尚有雨餘行菜地
食鮭誰信庾郎貧

放衙藥裏並詩囊苦霧三年在瘴鄉猶是書生蘼百雍元

可須消食進檳榔

自昔風流南路徐
羊羹鴛火乞殘餘
一從斂版山城後
菜把園公謝不如

幽期抱甕古猶今
茄菜蜂蟬小筆尋

徐崇嗣有蜂蟬茄菜圖

秋末

晚菘春蚤韭一畦
烟甲五湖心

送黃補齋之胙城任

每從淇汲寫遺聲
白水青山入洞庭
他日會書循吏傳

絃歌好為采風聽

雨中東介夫妙光閣

煩襟苦側塞曠思城西遊五更夢回時葉上雨點稠朝
來勢轉劇懸河注瓦溝起行忽平階一一散浮漚阻此
步履尋默憎呼婦鳩徐思病新差合遣筋力休門前泥
活活去馬迷來牛輻脫軸亦折一日間且偷秋雨山中
居百道清泉流我今試合眼得似山中不

城西有招提佳處置小閣閣外三兩峯西山蒼翠削其
下有孤亭四面繞花藥尚書經營初賓詠時間作相公

繼遊屐每放林間鶴

庚辰辛巳間文靖公所留雙白鶴尚在閣後

回頭三十

年空憶風撼鐸老僧無蕩侶香火冷佛脚東隣秋樹根
疇昔下簾幙與子讀書處經行恍如昨但念今者苦誰
省曩時樂苦樂行兩忘何知風雨惡

舍旁新拓書齋做樂天體

六十過頭是幸人如何不樂損天真但令有石皆應拜
縱使無花也當春堆案圖書堪送老滿林風月未全貧
更營煖室莎臺上調護冰霜歲晚身

經過步屨卜鄰初景物園林南路徐

地初經營於山陰徐氏壬申癸酉間

予僦屋鄰並常遊總於此

人去已同流水逝燕來還認故巢居連峯

紫翠看皆好喬木風烟畫不如塵事少休來獨坐恍疑
仙爪為爬梳

孟門虞阪路艱難扃戶知無異患干幸以疎狂逢

聖世況兼蕭散本儒官間中掃掠新蘿徑病後扶持舊
藥闌裝點青紅任兒女欣然一笑得加餐

見山便已似還家偃仰幽情十倍加際地更思勤放竹

明年準擬徧栽花，故人來共留終日。名酒求還載滿車。
長憶風流謝康樂，不曾邱壑廢京華。

謝詩昔余游京華未嘗廢邱壑

南齋遣興

落落心逾冷，冥冥眼欲迷。五株桃樹底，一角草亭西。
石徑從教窄，柴門不厭低。舊諳卑冗趣，輒下笑雞栖。
料峭寒猶甚，窗扉幙重遮。凍含連日雪，風散一城花。
宿火勤煨芋，清泉細品茶。尚餘閒氣味，依約似山家。

洛濱經歲憶京邑，蚤春期勸客三杯釀。留僧一局棋。

雪川

長老善基時
祈歸香山

心悲如滿塔卷牘惠休詩謂彭
宣詩何處飛空

錫咨嗟病起時

春日春盤後華燈滿禁城烟花南部夢鐘鼓北平聲宦
拙如朝隱交疎見物情莫嫌人共棄且得免逢迎

吉語喧都下軍書日夕多平安傳堠火兵甲洗天河白
馬經新入青牛客屢過幾回雞樹下衰老重婆婆

右軍誓墓後志欲老江東築室依封樹浮家狎釣筒柳
隨低岸沒葑卷半湖空舊觀何當復蘇公繼白公

弟兄皆奉佛給事有西莊蘿薜門常合烟霞興不忘四
松依石瘦一水帶溪香子季還吳日靈禽集講堂

藥物求何益醫門覓更難撥書愁夜永擁被怯春寒挑
菜逢新節移花壓舊欄

從花宮買
十餘本

明朝正祈穀燿火接

郊壇

病後月餘不能出臥室悶甚聊作數篇解嘲

丁酉
五月

十九日

間看乳鵲翻林日靜見新菰冒水時一榻風簾欹角枕

合歡花影正參差

嵌空剔出舊莓苔
小小雲根翠壁開
借問三峯誰判與

可曾載自太湖來

水活連漪徹底清
跳波戲藻小魚行
更穿屋下仇池穴

卧聽風泉瀉壑聲

戲作連筒引水從壻下
石罅注池淙淙有聲

空塔永日綠陰鋪
炎毒人間定有無
莫笑吾廬猶火宅

仙家珠樹恰三株

茉莉花繁抵素馨
自開自落在中庭
誰家月下塞簾女

一朵香銷宿酒醒

忍冬幾本雪霜加

去年小雪後
編籬移種

寒甚移來好事家今日

沿籬總生意不須更待蚤秋花

由來貴種出天工夾竹桃開有兩叢誰遣畫師來貌得
淇園綠映武陵紅

寸根栽向曲籬旁培護還同百草長他日西風寒露裏

一枝獨秀雁來黃

已上皆室
前所有

十二月十二日晚天門枉駕見存予方在疚病涕

淚中不覺其言之悲也

數卷恒河萬劫沙幾行衰淚落悲笳故人白水言猶在
歸夢青山路正賒剩有高吟排雪浪小留軟語綴燈花
他時中禁思才子先問元和宰相家

懷清堂集卷十七